

《中國地方藝文薈萃》編委會 編

中國地方藝文薈萃

學苑出版社

華東卷·第十一輯 貳

華東卷·第十一輯
貳

中國地方藝文薈萃

《中國地方藝文薈萃》編委會 編

貴州師範學院內部使用

第二册目錄

方城遺獻六卷(二)	· · · · ·	一
汀南塵存集四卷	· · · · ·	一六

方城遺獻六卷（一二）

貴州师范学院内部使用

方城遺獻六卷（二）

（清）李成經輯

據清乾隆五十二年（一七八七）刻本影印

方城遺獻卷三

長山後學李成經維三編次

明

陳鏗翁

字太希號石門虞舉人從同山於相遊得車玉峯之學洪武初辟授平陽教諭

江邨漁樂

漁翁具小舟。移家入清漲。網舉鮮可食。江濶漿難
蕩。天荒地忽老。一夜風雨橫。山山喬木折。茅屋獨
無恙。此時燃楚竹。鄰舟歌且放。身世了無羈。浩蕩
隨所向。

瀑布

剪刀峯畔蜿蜒宅。噴薄銀河下翠微。天上但聞風雨至。巖前長見雪霜飛。千尋玉繭騰春浪。五色珠璣弄夕暉。底事山童催我去。不知到此已忘歸。

戴

奎

字文祥號介軒石屏後元末錢塘錄事入明官濟河主簿永嘉王份有送文祥歸田詩

次台城寄故園

城○南○墟○里○舊○盤○旋○此○日○相○看○倍○黯○然○茅○屋○酒○醪○深○
夜○語○竹○牀○風○雨○小○窗○眠○新○愁○爲○隔○姜○肱○被○舊○物○空○
懷○子○敬○羶○寄○語○門○前○五○楊○柳○好○留○春○色○遲○歸○田○

王

興

字文敬蒼山人元末副使明初以故官例徙汴梁念親不置羣鳥感之所至隨

焉勸上人爲作烏啼
曲後爲濟南府照磨

姚江會沈尤諸公宴陳元帥樓上

江○色○娟○娟○晝○雨○過○好○山○青○入○畫○樓○多○筵○開○玉○帳○元○
戎○醉○酒○勸○金○杯○小○妓○歌○落○日○馬○嘶○烟○外○柳○嫩○涼○鷗○
浴○藕○心○波○相○逢○冠○蓋○歡○娛○地○忼○慨○元○龍○奈○爾○何○

題相府竹

相○府○琅○玕○新○雨○過○滿○堂○清○意○足○吟○哦○水○晶○簾○卷○春○
風○細○雲○母○屏○開○爽○氣○多○十○萬○丈○夫○金○作○戟○六○千○君○
子○玉○爲○珂○他○年○史○筆○求○貞○節○汗○簡○流○芳○定○不○磨○

鄭元益

號西清井頭人洪武間由通州文學言
事擢廣東陽春令遺集豫章吳庸序二

子宏治宏
範皆有名

到杭

買舟日午渡錢塘。景物繁華美古杭。試上吳山望
鄉郡白雲回首萬山蒼。

憶故園菖蒲

雲間潤帶三分雨。劍脊涼生六月秋。一自琴書登
遠道。小窗誰與伴清幽。

轉遷陽春晚宿惠州城外

十二嶺頭踈雨晴。行人晚宿惠州城。城中聞有東
坡井水與人心。一樣清。

王

諫

字原貞鏡川人洪武辛亥進士授汝寧同知擢知太平府有止軒集

公退述懷

武陵春滿水無涯。湖上樓船陌上車。禮樂遠傳周
季子。衣冠今識漢長沙。霜天劍氣橫千里。夜月書
聲起萬家。不是避秦前日路。行人何事問桃花。
華表仙人舊姓丁。羽毛今日惜飄零。眼中不見蓬
萊淺。門外空憐柳樹青。暮雨朝雲翻覆手。落花飛
絮短長亭。如何旅店黃梁飯。催促英雄夢未醒。

丹崖

白雲堆裏有丹邱。一笑披襟亦勝遊。借問葛仙何

處是松蘿深鎖石壇秋

朱尚賢

字中敏號蒙軒獲鹿知縣弟中美溫州判中立錢塘教諭俱有文名稱樓山三

自題小像

自笑堂堂七尺軀年來底事屬艱虞讀書豈想有今日看畫俄驚作故吾風格尚存詩骨瘦丹青難寫客心孤寄將羸得諸孫訝卻問誰家一老夫

蔡文友

字源輔號雲谷山西人少治儒術通毛詩長於聲律洪武間名對授楚府審理王甚眷之卒於官王靜學嘗為作練林先冢記

洪武十四年春駕出遇雪口占應制

點地梨花亂。隨風柳絮飛。東皇輕借力。何處不光輝。

戴友南

號素履秘書良齊後洪武中徵為泗州學正

消湖垂釣

羣山南來瀦作淵。四面環立青青巒。幽人一絲寄閒釣。片石掃破苔錦斑。斜陽蘋風泛微馥。細波龍鱗動寒綠。荷竿歸去行且歌。牀頭春雨新醅熟。

郭

櫟

字德茂號暢軒溫嶺人學以主靜為宗洪武間用御史李時可薦授饒陽令有惠政詳見邑志相傳有生作饒縣主死為邑城隍之語

余汶中以楮扇惠作此酬之

青藤雪花剡水春。剡女洗花鋪白雲。吳質并刀弄
織巧手裁玉盤。團皎皎蒼苔顛倒魚。罟芒銀絲縠。
文秋水光水晶簾。箔射秋月卻笑人間汗流血。吳
綾兒女背面啼。半生空踏鴛鴦機。

曉行

天明未明候。落月客行未行聽。盡鐘青鞋萬里涉。
遠道黃鶴九臯鳴。在松神龍變化參可醢。野翟耿
介罹於量。丈夫心地本空濶。更須絕頂看羣峯。

感秋

秋卉亂紅綠。雜然不知名。感此風露移。故亦競敷

榮亦有幽蘭花。中含芳潔情。晏然處明晦。不以臭
味矜。弈弈保天和。豈謂殊死生。

沈公桓

字元圭號獅峯蒼山人居圃
浦洪武中以賢良徵辭歸

題錢舜舉梅花卷

千古幽人費夢思。殷勤卷贈寒梅枝。錢塘江上花
如雪。不耐東風畫角吹。

許伯旅

字廷慎號介石泉溪人洪武初官刑
部給事詩格沉雄爲一時東南巨手

悠然閣爲盤所賦

屏跡臥空谷。蕭然謝喧。歷晨興坐飛閣。若見南山
來。雙鳥何翩翩。孤雲共徘徊。勝景自茲得。塵心日

一、方、文、處、
悠哉有客方外歸時來展幽懷。觴咏或終日。了無
形迹猜。地迥機已息。語忘中自諧。顧言蔣生逕。卒
歲從君開。

題趙子昂枯木竹石圖

魏公之畫今罕得。君家此圖纔數尺。酒闌客散試
一觀。坐覺蒼烟動。虛壁重雷劈。樹江雨黑奔。濤濤
籟。鳴相激。乘槎仙去佩聲寒。夜深卻抱支機石。想
當意到揮灑時。衆史見之應辟易。精靈慘淡出肺
肝。殘墨淒涼覩顏色。買舟昔日過吳興。載酒曾上
鷗波亭。當時池館竟蕭瑟。但有水竹含空青。百年

興廢未易明。草堂昨夜風雨驚。山靈怪我且歸去。
醉臥白日聽秋聲。

懷式古生

伏枕仍羈旅。登高只故臺。角聲城上急。山色雨中來。
來生事存弧矢。悲歌仗酒杯。楚江東入海。舟楫幾時迴。

送彭典膳致仕歸陽城

冉冉花都落。冥冥雁亦稀。青春今日盡。白髮故人歸。
邱壑堪投迹。雲山且息機。壯遊吾亦倦。目斷故園薇。

病起遣興

力疾看書起復歎。壯懷牢落寄憑闌。百年世故棋
千變。萬古風雲劍一彈。花落江南春事晚。雨來淮
北樹聲寒。故山書札多時斷。目盡青冥望羽翰。

奉懷潘松溪先生

壯日劬書盡五車。攀龍曾上太清家。老歸栗里惟
耽酒。官滿河陽尚有花。歲晚驕驄知道路。天寒鴻
雁啄江沙。英賢出處關機運。亦欲東溟理釣槎。

過龍江聞雁

遑遑奔走厭風埃。五載思家僅一回。卻怪隨陽雙